

PUBLICA
DISPUTATIO METAPHYSICA
TER TIA,
Et quidem
IN ORDINE SECUNDA

DE
CONCEPTU
ENTIS FORMALI
ET OBIECTIVO.

Quam

Divina excitante atq; arridente gratia

Sub moderatione

Clarissimi & Excellentissimi Viri,

Dn.

M. JOHANNIS STRUBORGII,
Philosophiæ Professoris publici, Præceptoris sui
plurimùm colendi.

Defendendam in se suscipit

JOHANNES PETERSEN

Rigenensis

Ad diem 24. Novembris horâ 8. matut.

& seqq.

AMERICAN MUSEUM OF NATURAL HISTORY

RIGÆ, Literis GERHARDI SCHRÖDERI, 1642.



VIRIS

*Magnificis, Nobilissimis, Amplissimis &
Consultissimis*

**DN. BURGRAVIO REGIO,
DN. CONSULIBUS, PRÆTORIBUS,
Totiq; Metropolis Livoniae ordini SENATORIO, Amplis-
simo ac Prudentissimo, Dominis Patronis, Moeценатibus,
Evergetis ac Promotoribus suis, perpetuæ Reverentia,
animiqt; studio colendis, venerandis.**

S. P.

Vastro sub nomine Viri Magnifici, Nobilis. Amplis. & Consultiss.
Mæcenates eternum colendi, hancce Disputationem Metaphysi-
cam in lucem ut mitterem, Musæ me impulerunt; partim quod earum cho-
rum fideli hactenus cura propugnaveritis, & adhuc propugnetis: partim,
nè vela vestre in me benevolentia relaxaretis: Sed post hac me, musasq;
meas animo, ut capillis, sincero fovere dignaremini. Quare Viri Magni-
fici, Nobilis. Amplis. & Consultiss. id vultu benigno gratitudinis loco, ac-
cipite: & licet haud dignum, quod in vestrum prodeat conspectum: atta-
men illud, ut ex animo candido profectum, suscipientes, magis ad offe-
rentis affectum, quam muneric præstantiam advertite, atq; permittite,
ut arcem vestre benevolentia occupet, & ut fructus uberrimi e favore &
patrocinio vestro ad studia mea redundent. Quod si voti mei participem
feceritis: licet satis dignas referre gratias haud potero, tamen gratia me-
riti vestri meis manebit medullis infixa, quo usq; hospit spiritus duxero.
Valete interim, Viri Magnifici, Nobilis. Amplis. & Consultiss. & annos
Nestoreos superate, ut Riga nostra commodum de vobis capiat saluberrim-
um.

Est. A

Vestiarum Magnif. Dominationum
humillimus

Tartu Riikliku Ülikooli
Raamatukogu

9129

Respondens.

Disputatio Metaphysica

De

Conceptu Entis formalī & objectivo.

Thesis I.

 Quid Græci τὸ οὐ καὶ τὸ θέατρον, hoc Latini Philosophi inusitato quidem apud Vulgus, aptissimo tamen vocabulo E NS à verbo substantivo Essè appellant. Hujus naturam & conceptum [præmissis iis quæ in publicis legiōnibus abundè sunt enucleata] ut planius & plenius imbibamus, sequentes positiones apprime huic materiæ enodandæ inservient.

2. Cum Ens duo, suo significatu includat, nimirum ipsum Esse, & quod quid est, seu secundum Alios Philosophos Existentiam & Essentiam. Hinc Ens dupliciter accipi solet, uno modo ut nomen substantivum, altero modo ut nomen adjективum verbale, quod vulgo participium nuncupant.

3. E NS priori modo sumptum Essentiam seu Quidditatem rei denotat: posteriori, Existentiam, quæ Ens actu existere declarat. Ex quibus elicetur, si homo tanquam Ens substantivum consideretur, aliam significationem exprimere, quam si ut Ens participiale, seu adjективum.

4. Quæris nunc, quidnam Entis nomine in hac disputatione præcipue significetur, an ipsum Esse seu Existentia; an vero ipsum quod quid est, sive Essentia? R. licet prior acceptio ad captum vulgi sit magis accommodata, posterior tamen cum sit magis Philosophica, & apud Metaphysicos frequentius usurpata, juxta posteriorem sensum vocabulum Entis imprimis usurpabitur.

5. Cum Enti nihil prius, sic describitur, Ens est quod habet essentiam aptam ad realiter existendum. Hujus conceptum

tum formalem tum objectivum facilius exquireremus si generaliter de conceptu formalis & objectivo nonnulla præmiserimus.

6. Duplex igitur cuiusvis rei conceptus assignatur; alter formalis, alter objectivus.

7. Formalis, est actualis similitudo rei, quæ intelligitur ab intellectu, ad eam exprimendam producta. Secundum alios Philosophos: Est actualis similitudo quam sibi format intellectus de objecto sibi proposito. Secundum Alios, quia præsens materia difficultatis plena: Est actio intellectus, qua rem cognitam intellectus representat. V. G. Cum intellectus percipit humanam naturam, actualis similitudo quam de natura humana exprimit, est conceptus formalis hujus naturæ intellectæ. Melius est teste nonnemine sub difficulti explicando modo rem certam tenere, quam sub facili falsam, & facile argumentorum impetu frangendam sustinere.

8. Quæris, cur dicatur conceptus & quidem formalis? Quia intellectus exerit hanc actionem concipiendo, & cum haec actio in ipso resideat instar formæ, qua informatur & exornatur, formalis nuncupatur. Ab Aliis dicitur conceptus, quia est quædam proles mentis: Ab aliis verbum mentis: Ab aliis species expressare i[n]telle[ct]u.

9. Objectivus, qui dicitur etiam ratio formalis, est res quæ per conceptum formalem intellectui representatur: Vel est id, circa quod versatur conceptus formalis. V. G. Sic natura humana [ut maneamus in supra dicto exemplo] actu cognita dicitur conceptus objectivus.

10. Nota, conceptum illum objectivum non esse in rigore conceptum, sed denominative, cum non sit vere conceptus, sed potius res concepta sive objectum conceptus.

11. Nota porro, conceptum formalem, vocari quoq[ue] ab aliis intentionem activam: Intentio quidem, quia hac actione, cognitionem objecti sui intendit intellectus: Activam, propter ejus actionem.

12, Conceptum vero objectivum vocari intentionem passivam, quia est id quod intellectus concipere intendebat. Ut hæc res difficillima & subtilissima exemplo aliquo illustrerur. Studet aliquis formare sibi conceptum & exprimere naturam animalis, actio ista, seu potius terminus istius actionis, quo naturam animalis exprimit, vocatur conceptus formalis secundum alios intentio activa: Animal vero ipsum, quod mente exprimitur & concipiatur, conceptus objectivus, seu intentio passiva.

13, Uterque conceptus est vel simplex vel complexus. Simplex qui rem simplicem menti ingerit. Compositus seu complexus qui unum de alio affirmando vel negando repræsentat: iste ad primam, ille ad secundam mentis operationem reducitur.

14. Quæris nunc, num ne detur conceptus Entis formalis & objectivus? R. ita esse. Ejus formalis sic colligitur. Audita vel lecta voce Entis protinus intellectus format conceptum exprimentem speciem intellectam essendi ut est aut esse potest. Objectivus hoc modo. Conceptus objectivus Entis est ipsum Ens à quo formalis totam suam rationem sibi vendicat, cum formaliter cuique respondeat objectivus, qui nihil aliud est quam res formalis conceptus repræsentata, quemadmodum cuique imaginis suum respondet exemplar.

15. Hic, insignes quæstiones essent ventilandæ. Num detur conceptus Entis re & ratione unus & non distinctus; si distinctus, num distinctus realiter vel ratione à conceptibus particularibus. Item, num veritati consentaneum, triplicem dari conceptum alicujus generis analogi secundum nonnullos Philosophos. Item, de conceptu formaliter uno, & ratione. Num absonum, conceptum formalem re ipsa posse esse multiplicem, ratione tamen unum: contra, re ipsa unum, ratione multiplicem. Et, quod si duo homines diversos conceptus formales rerum diversarum efforment, num hi re & ratione diversi sint dicendi. Num à ratione alienum unum eundemque conceptum objectivum posse esse realiter simul & ratione præcisum; Imo conceptum objectivum

non posse esse realiter præcisum , quin etiam sit ratione præcisus secundum nonnullorum opinionem : Contra posse esse ratione præcimum tantum & non realiter . Hi difficultatum nodi ordine à Nobis essentenodandi , & solidioribus rationum monumentis discutiendi , ut cuilibet studiosorum ad decus Philosophiæ aspirantium patesceret , cui catervæ philosophorum se lubentius ascribi pateretur : Verum , cum talia & his similia dubia , ingenia intricare nonnullis videantur , nec utilitatem in se habentia ; immo nec esse de pane hic lucrando , merito ab his hac vice abstinebimus in alium locum laturi .

16. Ens latissimè sumptum aliud est reale , aliud rationis . Reale seu rei est vel actu vel potentia . Iterum Ens rei aliud per se , aliud per accidens . Per sevel Infinitum seu Increatū : Vel finitum seu creatum . Finitum aliud est Substantia , aliud accidens . Ens Substantiale vel est corporeum vel Spirituale . Corpus aliud animatum , aliud inanimatum . Animatum vel animal vel planta . Animal vel brutum vel Homo . Homo deniq; in sua individua . Plures adhuc adferri possent divisiones nempe Accidentis , Substantiæ Spiritualis , plantæ , bruti , de his alibi . Hac vice ex prioribus quædam apprime necessaria , scitu digna præsenti disceptationi submittemus , reliqua in aliud tempus differentes .

17. Quoad divisionem Entis realis & rationis . Nota , Nos hic accipi Ens reale , pro eo , quod per se est aliquid , nec habet esse fictum ab intellectu , neq; tantum concipitur esse per intellectum .

18. Contra Ens rationis illud est , quod nequit vere & realiter existere , aut rem existentem positive afficere , sed tantum beneficio rationis dicitur objective posse existere in intellectu , in quantum actu percipitur ab intellectu . Ab aliis sic adumbratur , quod cum in se nihil omnino sit , tamen per modum alicujus Entis ab intellectu concipitur , & ab eo apprehenditur , tanquam si aliquid esse haberet .

19. Licet ipsum nomen Entis rationis necessarium ordinem ad rationem & intellectum importet , tamen illud concludere

non licebit, illud omne quod aliquem involvit ordinem ad intellectum, esse Ens rationis, cum quædam sint effective ab intellectu, quæ Entia rationis dici nequeunt. Ut illa perfectius cognoscantur. Notandum, Subjective esse in intellectu, quod in eo est tanquam in subjecto, eo fere modo quo figura cereæ impressa manet.

20. Objective vero esse in intellectu varie accipitur. 1. Quod intellectui objicitur, vel ante intellectum objective existit velut speculum ante oculos; Sic aliquid in rerum natura existens intellectui objici ac repræsentari potest. 2. Quod ita est objective in intellectu, ut nullatenus alibi realiter existat. Vel illud dicitur objective in intellectu, quod nullum habet aliud esse præter illud esse objectivum, seu esse cognitum ab intellectu, quæ tali modo ab intellectu cognoscuntur, dicuntur Entia rationis. Author nos ter subjective esse in intellectu & objective sic explicat. Subjective aliquid in intellectu dicitur esse, ut Accidens in subjecto. Objective in intellectu esse dicitur per modum objecti, quod tamen extra intellectum aut in alio est subjective, aut alias realem habet existentiam.

21. Objective consequenter in intellectu dicitur, quod consequitur rem objective in intellectu hærentem, per operationem intellectus ut sunt entia rationis.

22. Ex quibus elicetur. 1. Esse objective in intellectu, nihil aliud esse quam actu objici intellectui cognoscenti, sive illud quod objicitur cognoscendum vere sit in intellectu, aut extra intellectum; sive illud vere non sit. Esse vero in intellectu subjective, est, in eo esse tanquam in subjecto, quomodo Habitus & actus intellectivi in eo esse intelliguntur.

23. 2. Ea quæ sunt in intellectu subjective, possè ab ipso intellectu cognosci, hinc fit, ut idem possit esse simul objective & subjective in intellectu.

24. 3. Ea quæ realiter existunt extra intellectum, licet in eo subjective non sint, possè tamen in eo esse objective. Verum hæc

omnia cum sint realia, præter illud esse objectivum in intellectu, habent aliud esse reale in se ipsis, proinde Entia rationis non dicenda.

25. Quæris, num denominationes extrinsecæ dici possent Entia rationis? R. Si Ens rationis stricte sumitur pro illo quod nullum habet aliud esse quam cognitum ab intellectu, non sunt Entia rationis. Alias Ens rationis late sumptum se extenderet potest & ad denominationes externas, & ad negationes, & ad privationes. Interquæ Entium rationis genera id est discriminis, quod late sumptarebus suo modo convenienter citra omnē intellectus operationem.

26. Hinc est quod Philosophi Entia rationis dicunt esse triplicis generis; sc. aut privationes, aut negationes, aut secundæ intentiones: postrema cum non nisi præsupposita aliqua intellectus operatione rebus competant, proprie & pressè sumpta dicuntur Entia rationis, cum rem mente conceptam sequantur per operationem intellectus, qua cœlante, nihil est positivi; de Ente tamen reali sumi possunt.

27. Quæris porro quid sit secunda Intentio? R. Secundam intentionem, si vim nominis spectes, esse ipsam mentis operationem, qua intellectus secundario tendit in rem jam ante cognitam, quatenus cognita est; At vero usus invaluit, ut accipiatur pro ipso Ente rationis quod concipitur accedere rei cognitæ, ex eo quod cognita sit, quodq; non aliter potest existere, quam objective in intellectu, cum per reflexam mentis operationem concipiatur. Exempla sunt obvia. Itaq; secunda Intentio in priori acceptione, dicitur etiam formalis, estq; realis mentis operatio licet reflexa. In posteriori vero quæ est magis usitata, dicitur objectiva. Estq; Ente reali opposita.

28. Alij Philosophi hoc ipsum sic declarant, primo intentionaliter res sumitur, pro ut est à parte rei, & non vestita quasi aut affecta intentione aliqua, aut cognitione & cogitatione intellectus nostri: ideoq; tunc convenit rei aliquid primo intentiona-

tionaliter, quando non convenit propter actum aliquem & cognitionem intellectus circa illam exercitam, & illa operatio seu cognitio vocatur intentio prima formalis; res vero sic cognita vocatur Intentio prima objectiva.

29. Secundo intentionaliter aliquid sumitur secundum Hos, quando simul cum cognitione accipitur & tota ratio, quare praedicatum, quod illi subiecto cognito tunc tribuitur, advertitur, quia circa subiectum illud processit aliqua intellectus actio. Causa enim quod homo est species, ob quam illud praedicatum homini tribuitur, est, quia homo est cognitus ante cognitione abstractiva, per modum unius naturae extra particularia existentis: & res vestita sic precedente cognitione est secunda intentio objectiva; cognitio quae in illa ut sic fertur, est secunda intentio formalis. His presuppositis.

30. ENS Reale & rationis non vendicat sibi convenientiam synonymicam ad ipsum Ens; cum naturae æqualitas inter utrumque non intercedat, nec re & nomine simul conveniat.

31. Neque præcise illis competit convenientia analogica, quando duo vel plura eodem nomine convenientur, & aliquo etiam modo naturam nomine expressam participant.

32. Relinquitur Ergo illis convenientia homonyma, quia formale significatum Entis, nihil aliud est, quam posse existere idque per se vel in alio subiective: At vero Ens rationis à Nobis & Philosophis sumptum, nequit sic vere existere, neque per se neque in alio subiective, sed tantum objective in intellectu, vel objective consequenter secundum nostrum Authorem. Interea Ens in late patente significatione ut rem ad vivum reddamus, si aliqua communitas Entis, Enti rei & rationis tribuenda, illa statuatur de genere homonymorum, quae ad Analogia proprius videntur accedere.

33. Quo ad divisionem Entis actu & potentia. Nota ENS actu Nos hic accipi quod vere existit; Est vero potentia, quod nondum est, potest tamen aliquando esse: præter hanc acceptio-

nem. Actus & potentia varie accipiuntur, ita ut actus sit quod actuatur, & aliquid à statu indeterminato ad determinatum adducit, illiq; nomen imponit: Potentia dicatur id, quod recipit, actuatur, hoc est determinatur. Præter hanc acceptationem Actus & Potentiæ, Actus aliquando sumitur absolute, interdum respective: Actus respective sumptus respicit aliquod subiectum, quod actuatur seu determinat, denominat, & sic ex diversitate subjectorum quæ respicit, oritur Actus Physicus: Actus Logicus: Actus Metaphysicus, ille, vel est Essentiæ vel Existentiæ, vel subsistentiæ vel inhærentiæ.

34. Sicut Actus ita & Potentiæ varia est acceptio. Alia est Categorica & prædicamentalis, quæ speciem Qualitatis constituit. Alia est transcendentalis, quæ complectitur omnes potentias sive Logicas, sive Physicas, sive Metaphysicas, quæ à non nullis absolute vocatur potentia, eo quod per diversos actus determinari possit. Verbi Gratia, ENS per Existentiam, Subsistentialiam, & inhærentiam. Sunt & præterea multæ divisiones potentiarum, sc. Objectiva, Actualis; Actualis iterum vel est Naturalis vel Obedientialis. Item potentia alia est Activa, alia passiva, de quibus abunde egimus in publicis lectionibus. Coeterum qui majorem illustrationem harum potentiarum desiderat, data occasione in ipsa disquisitione percipiet.

35. Quæritur nunc, quomodo ENS de actu & potentia (ut Nos accipimus) prædicetur? Quamvis Philosophi miris modis super hac questione se macerent & lacerent, tamen probabilius esse judicamus illam prædicationem de Ente actu & potentia ad Synonymicam rationem reduci.

36. Quoad divisionem Entis per se & per accidens. Note Ens per se hoc loco appellari, quod vel simplicem habet naturam; aut si aliquam compositionem dicit, ejus partes essentialiter & naturaliter ad invicem referuntur, quarum altera habet rationem potentiarum, altera vero rationem Actus, cuiusmodi est compositum naturale seu corpus Physicum, vel compositum Logicum, vel com-

compositum Metaphysicum. Huc Alij referunt & compositum
Integrale.

37. Contra Ens per accidens illud dicitur, in quo plures par-
tes diversæ naturæ reperiuntur; seu Ens per accidens est quod con-
stat rebus pluribus diversi ordinis, vel quæ ita inter se affectæ
sunt, ut unum non sit potentia respectu alterius: Sicq; ex illis non
fiat per se aliquod unum. Exempla sunt obvia in cumulo ex mul-
tis tritici granis confecto & reliquis.

38. Neq; est alienum à ratione, Ens per accidens hoc modo
sumptum esse simpliciter & absolute multiplex, & secundum
quid unum, ideoq; vario nomine exprimi, cum intellectus, ea,
quæ absolute plura sunt per modum unius concipere potest pro-
pter eorum inter se conjunctionem, ordinem, vel consensum.

39. Coeterum Ens per Accidens adhuc multis aliis modis
usurpari potest. 1. Cum subjectum ipsum de accidente dicitur, i.e.
quando subjectum accidenti attribuitur, ut cum dico quadratum
est ferreum. 2. Cum accidens enunciatur de subjecto. 3. Quando
accidens de alio accidente dicitur, ut: Album est dulce, Nigrum
est amarum, &c.

40. Quæris nunc quomodo Ens de Ente per se & accidens
enuncietur? ut propositæ quæstioni & quidem difficulti satisfiat.
Dicimus insistendo tramitem a nonnullorum semita deflecten-
tem potius Ens de Ente per se & per accidens humonyme dici
quam analogice & univoce, cum nihil videatur dari commune
& synonymum ei, quod absolute est unum, & ei quod absolute
est multiplex.

41. Quoad divisionem Entis infiniti seu increati, & finiti
seu creati, seu Dei & creaturarum. Hæc divisio censetur adæ-
quata, quia divisum cum divisione ita quadrat ut unum altero
latius non pateat.

42. Vox infinitum ut Deo competit seu Enti increato non
sumitur privative, cum omnis privatio supponit aptitudi-
nem in subjecto ad recipiendam formam cuius est privatio, sed

certaratione negative, de quibus prolixius, si placeat, in publicis
disceptionibus.

43. Quibus præsuppositis quæstio fusè examinanda foret, si
positiones nostras in immensum crescere expeteremus, quomo-
do Ens de Deo & Creaturis pronuncietur, vel quomodo Deus &
Creaturæ in ratione Entis conveniante.

44. Ut & hanc quæstionem breviter solvamus. Dicimus Ens:
illud respectu Dei & Creaturarum nec esse mere homonymum,
neq; rigorose sumptum Synonymum, cum id omne quod ad per-
fectam Synonymiam requiratur, ipsi non congruat, ut paulo post:
videbimus.

45. Relinquitur ergo quod sit Analogum, cum ratio Entis:
Deo & Creaturis non sit uniformis, sed inæqualiter insit, quippe
Ens exigit prius Esse independenter, quam per participationem.

46. Hujus quoq; inæqualitas ex eo lucet, quod ratio Entis in
Deo sit Infinita in omni genere Entis & includat omnem perfe-
ctionem Entis; in Creaturis vero limitatam.

47. Accedit, quando aliqua forma communis multis de qui-
busdam prædicatur in concreto, de aliis vero in abstracto, quod
illanequeat esse præcise Synonyma: Sed natura Entis quæ com-
munis Deo & Creaturis, de Deo dici potest in abstracto, de Crea-
turis vero in concreto. Ut rem dilucidius exprimamus: Quæ:
enim habent naturam abstractam, sunt talia per se ipsa, & à nullo
juxta talem formam dependent: Concreta vero sunt talia ab ab-
stractis, à quibus dependent secundum talem naturam; at natu-
ra quæ de quibusdam dicuntur ex se & independenter, de aliis ve-
ro ratione alterius & dependenter, nequit esse Synonyma. Res
ut exemplis reddatur illustrior. De nulla creatura dicimus in
abstracto proprie, eam esse ipsam Bonitatem, veritatē, vitam, &c.
sed in concreto: At de Deo illa dici quis est qui inficietur?

48. Accedit, illud attributum esse Analogum, quod de qui-
busdam dicitur simpliciter, absolute, absq; ulla limitatione; de
aliis vero cum limitatione: Asumptio & conclusio patescunt.

49. Accedit, illa non dici synonyma sed Analogia, de quo-

cum uno aliquid effertur, quod non de altero juxta tale nomen; sed de Sapientia Divina aliquid effertur, etiam ut Sapientia est, quod non dicitur de Sapientia humana &c.

50. Etcum magis differunt Deus & creaturæ, quam genera suprema; sed generibus supremis non assignatur aliqua natura Synonyma communis, nulla quoq; suppetit ratio, cur Deo & Creaturis ratio Synonymica sit assignanda.

51. Quamvis plurimi quoq; sint Philosophi qui afferunt, Ens de Substantia & Accidente prædicari univoce: tamen rationi magis consentaneum esse arbitramur Ens reale per se & finitum respectu S. & A. esse Analogum. Cum accidentia participant rationem Entis inæqualiter & dependenter à substantia; adeo ut si Substantia nullo modo esse posset, nullo etiam modo essent, aut esse possent Accidentia, unde Accidentia dicuntur Entis id est, Substantiæ Entia.

52. Aratione alienum esse quoq; videtur, hanc naturam dici Synonymam, quæ non ex æquo de suis Inferioribus prædicatur, sive quæ per prius & posterius de suis inferioribus, & de quibusdam per attributionem ad alia prædicatur, quia natura Synonyma ex æquo dicitur de suis Inferioribus. Quod vero natura Entis prius dicatur de Substantia, quam de accidente docet Aristoteles 7. Metaph. cap. 1. & effertur de accidente per attributionem ad Substantiam, ut idem ipse profitetur 4. Metaph. cap. 2.

53. Nec obstat qui Nobis sunt in hoc contrarij, scilicet sic naturam genericam quoq; esse Analogam, quæ prius dicitur de una specie quam de altera. Hoc ipsum probare annituntur. 2. Metaph. cap. 1. & 10. cap. 2. In omni genere debet constitui unum aliquid, quod & prius sit mensura cæterorum.

54. Neq; obstat dum dicunt inter species alicujus generis debet constitui ordo aliquis essentialis, unde cum inter ea, quæ sunt ordinata essentialiter, quædam priora esse debeat, & alia posteriora, sequi inter species ejusdem generis Synonymi, quasdam esse priores, alias posteriores, quid his replicis reponendum, publicus conflictus, ut temporis serviamus, manifestabit.

55. Cæterum huic posteriori objectioni ex diametro opponitur & adversatur Aristoteles in postcatego. cap. 9. in quo loco docet, inter species quæ continentur sub aliquo genere non esse unam priorem, & alteram posteriorem, sed omnes esse simul natura, & ex æquo dividere genus.

56. Facid esse, Ens esse synonymum ad substantiam & accidentem. Ergo contrahetur per differentias ad sua inferiora. Si ita: aut illa includerent formaliter Ens, aut non includerent: quicquid dicetur, inconvenientia non carebit.

57. Plura alia hic congregari possent pro astrictu analogica ratione, scilicet, quod aliquis gradus Entis continetur in uno, qui non continetur in altero. Item: illa quæ certa ratione continentur sub vocibus contradictoribus non posse in aliqua natura synonyma convenire: Item: Omnem conceptum communem synonymum debere esse separatum suapte natura a propriis rationibus suorum inferiorum. &c.

58. Illam vero analogiam Entis, & provenire ex communicatione aptitudinali; ab aliis virtuali, quæ terminative dependet a modis contrahentibus ipsum Ens, & ex actuali participatione inæquali, quæ in independentia ac dependentia consistit, a ratione astruere non est alienum.

59. Quod vero Ens non sit synonymum respectu substantiarum & accidentis confirmari etiam potest ex variis testimoniorum Aristotelis. 4. Metaph. cap. 2. 7. Metaph. cap. 4. 11. lib. cap. 1. 1. Phys. cap. 2.

60. Et licet alia adhuc adduci possent, verum cum saepius cule prolixitas confusionem inducat, Opponentibus hanc provinciam relinquimus, ut ita majorem segetem contrariandi & theses evelendi obtineant. Hic nunc subsistimus & DE O SUMMO ENTI laudem, honorem ac gloriam offerimus.

Consecrarium.

Num Ens sit Genus Univocum respectu Infiniti & finiti, Substantiarum & Accidentis? Neg.

ST magnum fateor Logices certamen inire;

At magis est Physicas solvere monte plicas.

Maximum at est Sophiae soluisse Sophismata prime.

Quæres difficiles intimius penetrat.

Idcirco fateor Terem præstare JOHANNES.

Magnam, dum Sophia suscipis hasce theses.

Fortiter ergo tuis Athletis JANE resiste,

Sic nomen fortis; præmia laude, feres:

Non est quod timeas ab vincier hostibus ullis:

Praeside STRUBORGO spicula acerbaruent?

Quod precor ex animo, votis Deus annuat istis,

Ut tandem decori, sis Patriæg; Tibi.

Hæc paucula Dno. Respondenti Amico suo
intimo gratulabundus adjicere
voluit,

CONRADUS SYBENN.

In Honorem Ornatiß. ac Doctiß. Dni Respond.

Amici sui per quam chari.

JOHANNES PETERSEN,

Per Anagram. mutato hini:

NONNE RES PETIS? EIA.

Contaris, potius cur RES quam rem ratione:

Mentis scrutetur Palladis arte nitens?

Præsertim Sophiae primæ qui carpere flores

Induxere sibi? Causa sed ista datur.

Nam velut uber ager varios protrudere flores

Gaudet: Sic tractat RES varias Sophia.

Non terrena etenim solum traduntur in almâ

Hac sophiâ, super hæc cœlica quippe docet.

Hac, mens ut volucris sursum volitabit in auras:

Hac, poterit Diros mens superare polos.

Insuper

Insuper ex illa lactis tum flumina stillant

Tum mellis, quemvis, quæ recreare solent.

NONNE igitur nunc JANE PETIS RES? EIA. Secundet

Numen, ut haud rem, sed RES penetrare queas.

Ut tandem spolium, Felix, insigne reportes,

Quò petit & captat mens animusq; precor.

VOTVM includens suscep& Disputationis

annum 1642.

CVM ConarIs opVs faVstIs, feLICIter opto

AVspICIIIs sVbeas æqVora CLassē tVa.

Hæc adjicere voluit

JOHANNES RICHMANNUS

Riga-Livonus.

Ornatissimo Dno Respondenti

Amico suo singulari.

R Imaris vigili Sophiæ mysteria nisu
J ANE, mihi credas, non te spes lactat inanis

Rimando abstrusos Sophiæ penetrare recessus

Tefacies, finem sic nancisceris amatum.

Nobile propositum, pergas, quo te trahit ardor,

Hasti divitias nemorapturus, inhære;

Præda vetustatis fiunt sortisq; futurae,

Nec comitando suum subjectum nobile linquunt

Quam prius aeternam in claudat sua lumina noctem.

Exsere virtutem, veri sis verus amator

Philosophi veri quod provida cura reposcit.

Sic non præterit & lugebis tempora vita,

Sic non desidiam, dicent, nec præva sequutum.

HERMANNU S MEINERS,

Junior.